



ALVER
KOMMUNE

Alver Eldreråd

⁰ Årsmelding 2022





Eldreråd, rådgjevande medverknadsorgan i kommune og fylkeskommune

Eldrerådet er eit rådgjevande medverknadsorgan i kommunar og fylkeskommunar. Kvar kommune og fylkeskommune skal ha eldreråd. Alle saker som gjeld eldre, skal leggst fram for rådet. Eldrerådet kan også ta opp saker på eige initiativ.

Formålet med eldrerådet er å bidra til å sikre ein brei, open og tilgjengeleg medverknad i saker som gjeld eldre.

Det er behov for eldreråd fordi eldre ofte er underrepresenterte i folkevalde organ. Det er viktig at synspunkt frå eldre blir ivaretatt i kommunale og fylkeskommunale beslutningsprosessar og det er derfor krav om eldreråd i kvar kommune og fylkeskommune.

Representantar i Alver 2019-2023 valt av kommunestyret 31.10.2019

MEDLEM	PARTI	VARAMEDLEM	PARTI
Svein Hagesæter	Uavhengig	1.Mabel Johansen	H
Kirsti G.Floen	AP	2.Nina Øvreås	FRP
		3.Anne Grete Eide	AP
Olav Magnus Steinsland	Lindås Pensjonistlag	1.Magne Rifsgård	Meland Helselag
Torhild Frøydis S.Syslak	Lindås Pensjonistlag	2.Helge Arne Kolås	Radøy Pensjonistlag
Einar Lygre	Lindås Pensjonistlag	3.Torill Bysheim Høyland	Lindås Pensjonistlag
Jostein Dale	Radøy Pensjonistlag	4.Magnus Skjelvik	Radøy Pensjonistlag
Reidun Taule	Radøy Pensjonistlag	5.Elna Bjørndal	Meland Helselag
Sigurd Knudsen	Meland Helselag		
Randi Iden	Meland Helselag		

Saksopplysningar: Rådet skal ha 9 medlemmer med varamedlemmer, av desse skal 2 veljast frå kommunestyret og 7 etter framlegg frå pensjonistlaga og andre lag og organisasjonar som representerer eldre. Rådet vert vald av kommunestyret.

Rådet vel sjølv leiar og nestleiar, jf. kommunelova § 5-12

Den politiske møteplanen for Alver er lagt opp etter nokre hovudprinsipp:

- Møta i utval og råd er samla i same veke og kommunestyret er lagt to veker etterpå. Det gjer at saker frå utval og råd kjem i det etterfølgjande kommunestyremøtet.
- Møta i alle utval er lagt opp frå tysdag til torsdag, då mange av partia har gruppemøte på måndagar.
- Møta i råda er lagt på måndagar



Rådet sitt arbeid gjennom 2022

Opplæring/kompetanse/behov

2022 var eit mellomår i Eldrerådet sitt arbeid. Dei fleste av rådet sine medlemmer er med i diverse arbeidsgrupper kommunalt, og har fått opplæring/arbeidserfaring frå desse.

Møter

Eldrerådet har i perioden januar 2022 – desember 2022 hatt 8 obligatoriske møter. Rådet følgjer den politiske møteplanen for Alver kommune. Møta har i stor grad vert fysiske møter.

Leiar og nestleiar for rådet har møtt i Utval sleiarmøter for å avklare saksliste i forkant av rådsmøta.

Eldrerådet hadde plan om å besøke pleieinstitusjonar i året 2022, men kapasiteten tillèt ikkje dette. Eldrerådet besøkte og fekk ein fin gjennomgang av hjelpemiddel-lageret på Frekhaug i november.

Særlege viktige saker i perioden

Tale- og møterett i Kommunestyret i Alver

Målet til Eldrerådet er å nytte seg av denne retten årleg, i løpet av perioden.

Økonomiplan 2022 – 2025

Alver kommune sin økonomi har ei kraftig utfordring for åra frametter. Planen og arbeid med denne har vore på sakskartet 3 gonger i 2022.

For den gruppa Eldrerådet representerer viser data frå presentasjonar vi har fått frå administrasjonen at pleiesituasjonen i Alver er kritisk, med belegg på 100% + og ventelister. I løpet av 2022 vart det presentert ein plan som mellombels skulle avhjelpe denne situasjonen. 2023 vil avdekke om dette har gitt den ønskede effekt og med tilfredsstillande kvalitet.

Kommunal plan-, saksprosess og saker behandla

Alver kommune har eit omfattande arbeid framfor seg med revisjon av alle styringsplanar. Medverknadsprosessen fungerer, men har vore utfordrande i 2022.

Kommunal rutine med å få alle saker som eldrerådet har rett til å uttale seg om, har fungert tilfredsstillande.

Me set også att med ei kjensle av at uttalane me har gjeve har blitt seriøst handsama i utval, formannskap og kommunestyre.

Eldrerådet er fornøgd med støtta som administrasjonen har stilt til rådighet.



Viktige saker/orienteringar

- 07.02.22 Presentert samfunnsdelen i kommuneplanen.
- 07.02.22 Orientering om kommunedelplan for idrett kultur og friluftsliv på Teams
- 07.02.22 Orientering om Prosjekt leing, kvalitetsforbetring og ressurseffektiv drift
- 07.02.22 Orientering om Frivilligåret 2022.
- 21.03.22 Sak 014/22: Auka kapasitet sjukeheims plassar
- 21.03.22 utviklingsplanen for Haraldsplass Diakonale sjukehus
- 21.03.22 Brev frå Lindås Pensjonistlag om tannhelsetenesta på Lindås
- 02.05.22 Tenester til psykisk helse for elder
- 02.05.22 Varaordførar orienterte om Politisk styringsstruktur og reglement - knytt til sak 17/22
- 28.05.22 - *Etablering av helsefelleskap – overordna samarbeidsavtale og tenesteavtale.*
- 28.05.22 Uttale - Nei til å fjerna eldreombodet
- 05.09.22 Kort presentasjon av kommunedelplan Oppvekst
- 05.09.22 Kommuneplanen sin arealdel- høyring og offentleg ettersyn av planprogrammet og innspelsrunde for planarbeid
- 05.09.22 Markering av den internasjonale eldredagen
- 03.10.22 Uttale – Vald i nære relasjonar – Høyring
- 07.11.22 Kommunedelplan helse, sosial og omsorg 2022-2034 – orienteering
- 07.11.22 Plan for friluftslivets ferdselsårer 2022-2026 – orientering
- Eldrerådsmøte 28.11.22. Hovedfokus budsjett 2023

Nokre viktige vedtak frå Eldrerådet i 2022

006/22: Til uttale - kommuneplanen sin samfunnsdel 2022-2034

Eldreråd 07.02.2022:

ER- 006/22 Vedtak:

Eldrerådet kjem med følgjande uttale til kommuneplanen sin samfunnsdel:

Eldrerådet sluttar seg til hovudtrekka i kommuneplanen sin samfunnsdel, med følgjande tillegg:

- Frivillighetssentralane skal vera desentralisert slik dei er i dag - med sentralar i Knarvik, på Manger og Frekhaug.

- Austmarka vert teke med som nærsenter.

- Under "Prinsipp for bustadutvikling" bør omsynet til aldersvenleg lokalsamfunn leggast stor vekt på, og kvalitetskrav til bustad- og sentrumsområde må koma tydelegare fram.

Auka kapasitet sjukeheims plassar

Eldreråd 21.03.2022:

ER- 014/22 Vedtak:

Eldrerådet kjem med følgjande uttale i saka:



Eldrerådet slutter seg samrøystes til kommunedirektøren si innstilling som mellombels løysing. Eldrerådet forventar at framtidig behov for tenester blir grundig belyst i kommunedelplan for helse, sosial og omsorg og at dette blir gjenspegla i planen.

011/22: Høyring- Innspel til ny utviklingsplan for Haraldsplass diakonale sykehus 2022 -2035

ER 21.03.2022

ER- 011/22 Vedtak:

Eldrerådet kjem med følgjande uttale:

Eldrerådet tar utviklingsplanen for Haraldsplass Diakonale sjukehus til orientering.

Samtidig vil eldrerådet peike på den betydelege auken i talet eldre som sjukehuset forventar i sitt nedslagsområde i planperioden, med lenger liggetid for eldre pasientar. Rådet finn ikkje igjen i utviklingsplanen korleis behovet for auka kapasitet skal dekkast, og etterlyser forslag til korleis sjukehuset ser for seg å løysa denne utfordringa.

017/22: Høyring - politisk styringsstruktur og reglement for Alver kommune

ER 02.05

ER- 017/22 Vedtak:

Eldrerådet har følgjande uttale til Høyring - politisk styringsstruktur og reglement for Alver kommune:

Eldrerådet vil i denne omgang halda på dagens politiske struktur for utval og råd, og med 47 medlemmar i kommunestyret.

Rådet meiner den første perioden i Alver kommune har vore a-typisk på grunn av pandemien, og ikkje gjev godt nok grunnlag til å kunne evaluera den politiske strukturen. Den nye kommunen er framleis under bygging, og rådet meiner styringsstrukturen først kan evaluerast i slutten av neste 4-årsperiode.

Eldrerådet fryktar også at det er altfor omfattande å slå saman store og viktige sektorar som helse og omsorg, og kultur og oppvekst til eit levekårsutval.

Rådet sluttar seg til arbeidsgruppa sitt framlegg om møtestart for politiske møte kl. 9.00.

022/22: Etablering av helsefellesskap - overordna samarbeidsavtale og tenesteavtale 1

Eldreråd 30.05.2022:

ER- 022/22 Vedtak:

Eldrerådet kjem med følgjande uttale i saka:

Eldrerådet i Alver sluttar seg til framlegg til revidert Overordna samarbeidsavtale og Tenesteavtale 1 – overordna føringar for samarbeidsstruktur og samarbeidsformer i helsefellesskapet.

025/22: Kulturprosjekt - våren 2022

Eldreråd 30.05.2022:

ER- 025/22 Vedtak:

Eldrerådet kjem med følgjande uttale i saka:

Eldrerådet tar kommunedirektøren sitt framlegg til etterretning, men vil samstundes visa til Alver kulturråd sine kommentarar.

Kommuneplanen sin arealdel – planprogram på høyring

Eldreråd 05.09.2022:

ER- 034/22 Vedtak:

Eldrerådet kjem med følgjande uttale til planprogrammet for kommuneplanen sin arealdel:

Eldrerådet sluttar seg til planprogrammet. Eldrerådet er oppteken av at prinsippet om å "ta heile kommunen i bruk" vert følgd opp i praksis. Rådet vil understreka at planen må ha fokus på å byggja eit aldersvenleg og heilskapleg samfunn, og at arealdelen må leggjast til rette for alle aldersgrupper i Alver-



samfunnet.

Økonomiplan 2023-2026

Eldreråd 05.09.2022:

ER- 036/22 Vedtak:

Eldrerådet kjem med følgjande uttale til Økonomiplan 2023-2026:

Eldrerådet tar framlagte Økonomiplan 2023 - 2026 til etterretning.

Eldrerådet merkar seg at demografiprognosane no blir brukt slik utviklinga i kommunen vår verkeleg er.

Eldrerådet anbefalar sterkt at større investeringar no må vente til kommunen sin økonomi er betre.

Driftsbudsjettet må haldast innanfor rimelege rammer, slik at etablerte tenester ikkje blir ramma for hardt før kommuneplanane som er under arbeid er klare.

Eldrerådet meiner at vedtaket om at heile kommunen skal ha del i utviklinga organisatorisk og økonomisk framleis bør gjelde.

Handlingsplan mot vald i nære relasjonar

Eldreråd 03.10.2022:

ER- 039/22 Uttale:

Eldrerådet kjem med følgjande uttale til Handlingsplan mot vald i nære relasjonar:

Eldrerådet sluttar seg til handlingsplanen mot vald i nære relasjonar, men ønskjer at det vert sett større fokus på vald og overgrep mot eldre personar.

Eldrerådet ber om årleg informasjon om oppfølginga av planen.

Kommunedelplan helse, sosial og omsorg 2022-2034 - høyring og offentlig ettersyn

Eldreråd 07.11.2022:

ER- 046/22 Vedtak:

Eldrerådet kjem med følgjande uttale i saka:

Eldrerådet sluttar seg til strategi og utvikling av den framtidige helse-, sosial- og omsorgssektoren.

Rådet vil gje positiv tilbakemelding på arbeidet som er gjort med kommunedelplanen.

Økonomiplan 2023-2026

ER 28. nov:

Eldrerådet kjem med følgjande uttale til Økonomiplan 2023-2026:

Det er ein sterk vekst av eldre og ein nedgang i barnetalet i Alver. Økonomiplanen bør avspeгла den demografiske utviklinga.

Med omsyn til den svært krevjande økonomiske situasjonen, kan eldrerådet akseptera at det mellombels kan innførast eigedomsskatt i Alver.

Eldrerådet er positiv til at det blir utarbeidd ein heilskapleg skulebruksplan i Alver.

Eldrerådet meiner tiltak retta mot barn og ungdom må skjermast, det gjeld mellom anna tiltak som MOT.

Eldrerådet advarar mot å byggja ned planleggings-kapasiteten i kommunen.

Eldrerådet meiner det hastar med å utvida kyrkjegarden på Lindås, og ser positivt på at denne investeringa har fått plass i forslaget til økonomiplan.



Eldrerådet ser behovet for at Alver kommune får på plass ein seniorpolitikk med tiltak som mellom anna legg til rette og stimulerer til at eldre arbeidstakarar står lenger i jobb.

Plan for friluftslivets ferdselsårer 2022-2026

Eldreråd 07.11.2022:

ER- 044/22 Vedtak:

Eldrerådet kjem med følgjande uttale i saka:

Eldrerådet sluttar seg til Plan for friluftslivets ferdselsårer.

Rådet vil understreka behovet for å leggja til rette for universell tilkomst og ferdselsårer som er tilpassa eldre.

Eldrerådet ser også eit betydeleg behov for tilrettelegging av sjøverts ferdselsårer, og har forventningar til at dette i det vidare arbeidet blir knytt opp mot Interkommunal plan for sjøareal i Region Nordhordland.

MELDINGAR

Psykisk helse:

Eldrerådsleiar Olav M. Steinsland har tatt opp tema knytt til psykisk helse hjå eldre. Han har hatt dialog med kommunalsjef Leni Dale om temaet, som har sendt svar til leiaren på e-post. Epost-dialogen var tilsendt medlemmane i elderrådet før møtet.

Eldrerådet ønskjer å arbeida vidare med eldre si psykiske helse, og ber om ei orientering i rådet.

Tannhelse:

Leiaren i elderrådet informerte om brev han som leiar har motteke frå Lindås Pensjonistlag om tannhelsetenesta på Lindås. Brevet var sendt ut til medlemmane i rådet før møtet.

Eit samla elderråd støttar budskapet i brevet frå pensjonistlaget.

Eldrerådet er uroleg for utviklinga i tannhelsetenesta. Rådet peikar på at Lindås Senter er eit prioritert nærsenter i Alver kommune og bør ha tenester som samsvarar med dette. At tannhelsetenesta har tidsriktige lokalitetar her for å stette dette, og har personale til å betjena befolkninga lokalt, reknar elderrådet som sjølvsagt.

Eldrerådet ber leiaren i rådet senda brev til Fylkestannlegen, Alver kommune, og med svar til Lindås pensjonistlag.

Alle saker/orienteringar i 2022

- 003/22 1 gongs handsaming - Offentleg ettersyn & høyring - Områdereguleringsplan for Langelandskogen
- 004/22 Detaljreguleringsplan for Kvassnesbakken, gbnr 188/701 m.fl. - PlanID 1263-201904 - Offentleg ettersyn 1. gongshandsaming
- 005/22 Årsmelding for Eldrerådet i Alver 2021
- 006/22 Til uttale - kommuneplanen sin samfunnsdel 2022-2034
- 007/22 **Meldingar til elderrådet 07.02.2022**
 - Line Thuen Waage-samfunnsplanleggar presenterte samfunnsdelen i kommuneplanen og svara på spørsmål
 - Maia Marie Amdal-rådgjevar plan og analyse orienterte om Områdereguleringsplan for Langelandskogen – 1. gongs handsaming - Offentleg ettersyn og høyring
 - Maia Maria Amdal-rådgjevar plan og analyse orienterte om kommunedelplan for idrett kultur og friluftsliv på Teams
 - Merethe Tvedt-rådgjevar planforvaltning orienterte om Detaljreguleringsplan for Kvassnesbakken, gbnr 188/701 m.fl. – offentlig ettersyn – 1. gongs handsaming
 - Pia Syversen-rådgjevar i Fagutvikling stab helse og omsorg/Hege Aagaard-Nilsen-rådgjevar i Fagutvikling stab



helse og omsorg, orienterte om rekruttering og oppfølging av lærlingar helse og omsorg

- Helge Kvam-fagansvarleg i Fagutvikling stab helse og omsorg orienterte om Prosjekt leiing, kvalitetsforbetring og ressurseffektiv drift
- Nina Randal-leiar Frivilligsentralen på Frekhaug, Birte Kråkenes Bjørstad-leiar Frivilligsentralen på Manger og Per Ole Ekker-leiar Frivilligsentralen i Knarvik orienterte om Frivilligåret 2022.
- Benthe Fjeldstad Helland-tenesteleiar heimeneste orienterte om bruk av tilskot frå statsforvaltaren til aktivitetar og støtte innan eldre og omsorg i korona-pandemien.
- Susanne Gjelsvik-avdelingsleiar NAV Alver og Mary Jorunn Seljevoll-avdelingsleiar bustadkontoret orienterte om støtteordningar for sårbare grupper i ein situasjon med
- høge straumprisar.

008/22 Plansak Kommunedelplan for kultur, idrett og friluftsliv - Alver kommune - Framlegg til vedtak om høyring og offentleg ettersyn, planprogram

009/22 Godkjenning av innkalling og sakliste

010/22 Godkjenning av møteprotokoll 07.02.2022

011/22 Høyring- Innspel til ny utviklingsplan for Haraldsplass diakonale sykehus 2022 -2035

012/22 **Meldingar til eldrerådet 21. mars 2022**

- Per Ole Ekker-dagleg leiar i Knarvik frivilligsentral orienterte om "digital borgar"
- Per Ole Ekker presenterte Alver kulturråd
- Kjersti Risa Marøy tenesteleiar Helsestasjon og jordmor gav status for prosjektet "Vald i nære relasjonar"
- Kristin Nåndal-tenesteleiar Plan og analyse gav status for Planstrategi i Alver kommune

013/22 Plansak Kommunedelplan for kultur, idrett og friluftsliv - Alver kommune - Framlegg til vedtak av planprogram

014/22 Auka kapasitet sjukeheimsplassar

015/22 Godkjenning av innkalling og sakliste

016/22 Godkjenning av møteprotokoll 21.03.2022

017/22 Høyring - politisk styringsstruktur og reglement for Alver kommune

018/22 **Meldingar til eldrerådet 02.05.2022**

- Øyvind H. Oddekalv-varaordførar orienterte om Politisk styringsstruktur og reglement - knytt til sak 17/22.
- Helge Kvam-Fagansvarleg Fagutvikling stab helse og omsorg orienterte om Prosjekt leiing, kvalitetsforbetring og ressurseffektiv drift. Nytilsett prosjektleiar, Eva Mikkelsen, presenterte seg.
- Vibeke Erstad-Vibeke Erstad-tenesteleiar Psykisk helse og rus gav status om tenester til psykisk helse for eldre
- Nina Randal-dagleg leiar i Frekhaug frivilligsentral orienterte om tilbod til eldre i Alver, og koma med innspel til aktuelle måtar å få gjort tilbod betre kjend. Randal vil no ta kontakt med lag og organisasjonar for å få dei til å senda inn kva møteplassar og aktivitetar dei har for eldre.
- Olav M. Steinsland-leiar i eldrerådet orienterte om Fylkeseldrerådet sin invitasjon til alle eldreråd til samling 12.-13. september, der "Leve heile livet"-reforma vil vera eit sentralt tema.

021/22 Detaljregulering for Holme- Offentleg ettersyn og høyring

022/22 Etablering av helsefellesskap - overordna samarbeidsavtale og tenesteavtale 1

023/22 Revisjon av retningslinjer for følgebevis

024/22 Følgebevis ved utlån og utleige av kommunale bygg, anlegg og lokale

025/22 Kulturprosjekt - våren 2022

026/22 Rullering - Anleggsstrategi for Alver kommune - 2020-2024



027/22 Meldingar til eldrerådet 30.05.2022

- Eirik B. Utne orienterte kort og svara på spørsmål om "Følgjebevis ved utlån og utleige av kommunale bygg, anlegg og lokale - knytt til sak 024/22 i ER, om "Rullering - anleggsstrategi for Alver kommune" knytt til sak 026/22 i ER, og om "Kulturprosjekt - våren 2022" knytt til sak 025/22 i ER.
- Ingrid Raniseth-rådgjevar Planforvaltning orienterte om "Detaljregulering for Holme - off. ettersyn og høyring" - knytt til sak 021/22 i ER.
- Kari Hesjedal-avdelingsleiar Forvaltningskontoret orienterte om "Revisjon av retningslinjer for følgjebevis" - knytt til sak 023/22 i ER.
- Line M. Valle-tenesteleiar Eigedomsforvaltning orienterte om status for teleslynger i offentlege bygg.
- Kommunedirektør Ørjan Raknes Forthun orienterte i sak 022/22 i eldrerådet - Etablering av helsefellesskap – overordna samarbeidsavtale og tenesteavtale 1.
- Sigurd Knudsen orienterte kort om planane for markeringa av den internasjonale eldredagen på Frekhaug, og opplyste at forfattaren Gunnar Staalesen blir dagens talar.
- Eldrerådet drøfta om det er interesse for å få trykt opp ein faldar om rådet sitt arbeid. Rådet ønskjer å jobba vidare med dette.
- Årsmeldinga 2021 til Fylkeseldrerådet vart lagt fram som melding. Eldrerådet i Alver tar årsmeldinga til orientering.
- Statsforvaltaren har invitert alle kommunale eldreråd til samling 12.-13. september. Eldrerådet i Alver legg opp til at flest mogleg av medlemmane blir med.

030/22 Skilting av kommunale eigedomar - medlem i referansegruppe

031/22 Val av brukarrepresentant til områdeutval i helsefellesskapet

032/22 1 gongs handsaming - Offentleg ettersyn - Galteråsen næringsområde

033/22 Detaljregulering for Snekkevika- Offentleg ettersyn og høyring

034/22 Kommuneplanen sin arealdel for Alver - Planprogram på høyring

035/22 Meldingar til eldrerådet 05.09.2022

- Kommuneplanen sin arealdel- høyring og offentlig ettersyn av planprogrammet og innspillsrunde for planarbeid v/Marte Hagen Eriksrud-rådgjevar Plan og analyse - knytt til sak 034/22 i ER
- 1.gongs handsaming – offentlig ettersyn - Galteråsen næringsområde v/Lennart Falkenberg-Arell-rådgjevar Plan og byggesak - knytt til sak 032/22 i ER.
- Detaljeregulering Snekkevika off. ettersyn og høyring v/Ingrid Raniseth-rådgjevar Plan og byggesak - knytt til sak 033/22 i ER
- Status prosjekt leiging, kvalitetsforbetring og ressurseffektiv drift v/Eva Mikkelsen-rådgjevar Helse og omsorg adm./Kari Hesjedal-avdelingsleiar Forvaltningskontoret
- Val av brukarrepresentant til områdeutval i helsefellesskapet - orientering v/Leni Dale-kommunalsjef helse og omsorg - knytt til sak 031/22 i ER
- Kort presentasjon av kommunedelplan Oppvekst – med ein kort, siste innspelsrunde før det blir lagt fram sak til OKK (møte 4. okt.) om vedtak for offentlig høyring. Førebels utkast til plan finn du på følgjande lenke: Testpublisering_Kommunedelplan for oppvekst innhaldet i plandokumentet vil bli endra i takt med administrasjonen sitt arbeid - v/Rolf Raknes-fagleiar areal og samfunn
- Markering av den internasjonale eldredagen - v/Per Ole Ekker-dagleg leiar i Knarvikfrivilligsentral. Det vart orientert om ulike markeringar av eldredagen, og Ekker informerte om at det finst ei tilskotsordning som lag og organisasjonar kan søkja på for arrangement knytt til eldredagen. Skriv frå Per Ole Ekker om markeringa av den internasjonale eldredagen vart sendt ut til medlemmane i eldrerådet i forkant av møtet, og er lagt ved saka.
- Ei oversikt over aktivitetstilbod til seniorar i Alver, utarbeidd av Nina Randal-dagleg leiar ved Frekhaug frivilligsentral på bakgrunn av innkomne svar ho har fått frå frivillige lag og



organisasjonar i Alver. Oversikta vart sendt til medlemmane i eldrerådet før møtet. Dette dokumentet kan vera eit ope dokument der vi kan føra inn aktivitetar etter kvart som vi får inn melding om fleire.

- Sigurd Knudsen informerte om at det no er tilgjengeleg fem kanoar ved vassverket på Hestdal, med tilrettelagde parkerings-plassar.
- Sykkelstafett - T-skjorter. Jostein Dale informerte om at det i samband med den landsomfattande sykkelstafetten for markering av frivilligåret 2022, vart eldrerådet engasjert til å delta i stafetten. Så viste det seg at Alver ikkje hadde høve til å delta i stafetten. I mellomtida hadde eldrerådet fått laga T-skjorter til bruk under sykkelstafetten. No ber eldrerådet om at kostnadane til desse T-skjortene vert dekkja av ommunen/Frivilligsentralen.

036/22 Økonomiplan 2023-2026

039/22 Høyring - handlingsplan mot vald i nære relasjonar

040/22 **Meldingar til eldrerådet 03.10.2022**

- Uttale – Vald i nære relasjonar – Høyring v/Kjersti Risa Marøy-tenesteleiar Helsestasjon og jordmorteneste
- Høyringsuttale - Regional plan for kultur, idrett og frivilligheit 2023-2035 v/Eirik B. Utne-tenesteleiar kultur
- Alver kulturråd - presentasjon og informasjon om kulturhus-konferanse 7. november v/Ivar Hopland-leiar i Alver kulturråd
- Stiftelsen Livsglede for eldre – tilsendte brev er vedlagt
- Fylkeseldrerådet – tilbakemelding på Alver eldreråd sitt innspel knytt til forslag om nedlegging av eldreombodet - vedlagt
- Orientering 1 og 2 vart gjeve i felles orienteringsmøte for eldrerådet og RMNF.
- Eldrerådet delte erfaringar frå markeringa av den internasjonale eldredagen. Det var flotte markeringar i dei tre tidlegare kommunane.

041/22 Høyringsuttale - Regional plan for kultur, idrett og frivilligheit 2023-2035

044/22 Plan for friluftslivets ferdselsårer 2022-2026 - vedtak

045/22 Evaluering prøveordning - Kommunalt følgje på ferie- og fritidsreise for personar med nedsett funksjonsevne

046/22 Kommunedelplan helse, sosial og omsorg 2022-2034 - høyring og offentlig ettersyn

047/22 **Meldingar til eldrerådet 07.11.2022**

- Kommunedelplan helse, sosial og omsorg 2022-2034 – orientering v/Helge Kvam-Fagansvarleg Fagutvikling stab helse og omsorg – knytt til ER-sak 046/22
- Evaluering prøveordning – Kommunalt følgje på ferie- og fritidsreiser for personar med nedsett funksjonsevne – orientering v/Helge Kvam-Fagansvarleg Fagutvikling stab helse og omsorg – knytt til ER-sak 045/22
- Prosjekt leiing, kvalitetsforbetring og ressurseffektiv drift – orientering v/Eva Mikkelsen-prosjektleiar/Simon Grandahl-rådgjevar helse og omsorg/Bernt Fjordheim-tenesteleiar Habiliteringstenester/Vibeke Erstad-tenesteleiar Psykisk helse og rus
- Satus oppfølging av politiske saker - v/Leni Dale-kommunalsjef helse og omsorg
- Plan for friluftslivets ferdselsårer 2022-2026 – orientering v/Bente Kopperdal Hervik-rådgjevar kultur – knytt til ER-sak 044/22
- Kostnadar sjukeheims plass og eigenbetaling for ulike tenester for bebuar – orientering v/Christine Fosse-tenesteleiar sjukeheim/Simen Tømmerholt Pettersen-konsulent/sakshandsamar Forvaltningskontoret.
- Velferdsteknologi – orientering v/Hildegunn Bavarelli-koordinator for velferdsteknologi

**ALVER**

KOMMUNE

- Eldrerådet var før møtestart på synfaring på Hjelpemiddel-lageret på Mjåtveit.

050/22 Økonomiplan 2023-2026

051/22 **Meldingar til eldrerådet 28.11.2022**

- Økonomiplan 2023-2026 - orientering v/Janne Sund-kommunalsjef økonomi
- Profilerings/presentasjon av eldrerådet. Eldreråds-medlem Einar Lygre la fram eit utkast til ei brosjyre med informasjon om eldrerådet og rådet sitt arbeid. Eldrerådet drøfta også aktuelle målgrupper og distribusjonskanalar. Målet er å gjera eldrerådet meir synleg og tilgjengeleg.

Alver Eldreråd – januar 2023

Leiar: Olav M Steinsland

Nestleiar: Jostein Dale



Vedlegg årsmelding Eldreråd

Ulike verv for medlemmer Eldreråd 2020 - 2022

Representantar frå eldrerådet til referansegruppe for Prosjekt leiing, kvalitetsforbetring og ressurseffektiv drift i sektor helse og omsorg:

1. Jostein Dale
2. Sigurd Knudsen

Representantar frå eldrerådet til referansegruppe for kommunedelplan for helse, sosial og omsorg:

1. Olav M. Steinsland
2. Torhild Skage Syslak

Eldrerådet vel følgjande medlem til workshop knytt til handlingsplan mot vald i nære relasjonar:

1. Medlem: Einar Lygre
2. Varamedlem: Jostein Dale

Samsonegrupper knytt til Nordhordland Helsehus

Samsonegruppe 1 – Barn og unge:

- *Jostein Dale, eldrerådet*

Samsonegruppe 2 – psykisk helse og rus:

- Torhild S. Syslak, eldrerådet

Samsonegruppe 3 – somatikk:

- *Kirsti Gjetle Floen, eldrerådet*

Frå 2020:

Eldrerådet vel følgjande representantar til "Trivselskomiteen" v/Meland helselag for perioden 2020-2023:

Representantar: Sigurd Knudsen og Klara Mongstad

Vararepresentant: Klara Hansen

Arbeidsgruppa for Den kulturelle spaserstokken:

Sigurd Knudsen og Jostein Dale vert valde som medlemmar i arbeidsgruppa for Den kulturelle spaserstokken.

Val av representantar til referansegruppe:

Representantar til referansegruppe: Kirsti Gjetle Floen Olav M. Steinsland

Plassering av dagsturhytter:

Helge Arne Kolås og Sigurd Knudsen representerer eldrerådet på møte om dagsturhytter i Alver kommune.

Torill S. Syslak er vararepresentant.

Legat- og testamentstyre:

Eldrerådet har gjort følgjande val av representantar til Legat- og testamentstyre i Alver kommune:

- Medlem: Torhild Skage Syslak
- Varamedlem: Randi Iden



ALVER
KOMMUNE

Brukerrepresentant i E-helse Vestland

- Olav M Steinsland